



2

東萊先生詩集卷第八

東萊先生詩集卷第八

呂本中居仁

物生無榮賤悉是君所見相值有相違誰能滿吾願  
田園棄荒蕪官居走郵傳誤尋文字盟秣馬當百戰  
一飯或未飽逢人足嫌怨窮於投林猿窘若巢幕燕  
忍學少年子羽翼偷絢練百萬買纏頭千金奉娛宴  
願為匣中玉不作秋後扇丈夫重許與正爾未為倦  
絕糧有不死酒肉虛健羨古人馬伏波吾猶識君面  
將去曾南連得江晁書因歎存歿諸友遂成

長韻

西風脫殘暑我病不自聊吏舍少還往亦復長蓬蒿  
欣然脫帽去念此非一朝陽翟未遽往寧陵處見招  
初無食息地未免柴水勞故人數通書尚有江與晁  
窮涂感節義俗耳受風騷向來相知人昔盛今寂寥  
落日送江謝荒山留老饒閑侯最傑立亦以膏自燒  
後生有向子更盡兒女嬌出門天奪之不令上雲霄  
坐看朋友淚未減春秋褒怪我但羸疾悞蒙風雨搖  
日月費奔走文章勤琢雕會須領妻子更欲投吾曹  
耆舊喚歸隱諸公憐久要劉丈器之及顏平仲何伯  
恭韓秉則諸人皆相約為  
一州之隱以便出同赴雞黍歸但守簞瓢相將訪雲  
往還講習之益

山所至雜漁樵還當古渡口卧聽西江潮

精衛詩

西山有鳥其狀如鳥名曰精衛其名自呼精衛埋海  
不埋不止問誰之報云帝之子帝子女娃往遊不還  
精衛求之不敢有安海流不改汝埋不遷嘆我精衛  
志則可憐我昔讀書惟聖之求竭力從之以春及秋  
老人宴居審吾之學惟時友朋日就雕琢聖言甚微  
吾意則近以識微退或有進三年予曹惟罪之恐  
人雖甚厭子亦不勇舒其雲法其水子不與歸  
而日有以豕羊在牢芻秣之戀烹庖及之抑又誰怨

予李日遠子道日疎有愧精衛其誰與居精衛之飛  
不必戾天子之不如寧有智焉惟作與否愚智之擇  
小人作詩惟一勸百

寧陵弟相送至南京因成四韻寄季一子之  
叔用

白髮無端巧上頭鏡中顏狀不能羞要尋揚子一塵  
地未用劉公百尺樓野竹連陰護蒼蘚暮雲生雨續  
黃流秋風有信鱸魚在更約江晁共小舟

十一月一日步河堤上

簿書糾纏人欲出不自許老吏環我前更作附耳語

脫身上河堤頗似晝伏鼠河堤平如掌下有千歲土  
夕陽歛殘照草木過寒雨遊魚著鉤餌舟子快新煮  
煮魚得放飯尚嘆行役苦江湖平生心歲月可逆數  
故人書斷絕吾事有去取歸來討清尊妙句還一吐

留侯

留侯下邳時豪氣或未除晚節欲輕舉效在黃石書  
其書本無言一嘆三嗚呼彼公實天人識此鷓鳳雛  
良田有蕪穢令子痛自鉏萬事不得已一身常晏如  
袖手默無語四方瞻步趨不知隆準公果能知子無  
小兒荀彧輩下及崔浩徒謂能明子心此語亦已誣

不能處其知正足殺其軀所恨生已晚聖門無坦途  
學不盡其才未免風俗驅詩書在煨燼子何不回車  
試問禮之本更觀心地初莊生言欲當則緣于不得已之類聖人之道  
留侯蓋庶幾于此韓非曰非知之難處知為難矣此  
留侯与荀彧輩所以分也使其親受業于聖人蓋未  
可量故安作此詩論其  
大槩寔平昔所粗曉也

送韓撫秉則赴棣倅

公如玉壺冰見即離煩熱况當清秋懸更自貯霜月  
中邊本無垢何處覓焚爇盛以百鍊鋼此亦不得折  
初蒙一日款遠有千里別扁舟轉青齊歲事當雨雪  
遠行不羸糧已悟服食訣古來饕餮徒頗言一世傑

唾壺彼何知便為如意缺規其所用心舉不異鼠竊  
首陽獨往人渠自飽薇蕨舉頭公一笑百慮無以絕  
江源初濫觴未乃流不竭傷哉講上鷹一飽便飛掣

讀秦碑

秦人跨九州欲以傳萬世立石名山旁往章一作示  
得意至今見遺刻字體甚雄異壯哉蒼蘚文未改回  
屈勢風雨所侵蝕中有千丈氣嚴如虬龍蟠深若鐵  
石利餘威到山鬼謹守敢失墜漢魏能書人亦豈可  
睥睨未能識藩籬何止趨姿媚初無一日雅但有三  
舍避文章又奇古遷雄蓋苗裔觀其所稱一作述肯

為尊者諱巧言未大失末乃為俗累嗚呼結繩前此  
又誰與記君臣供無為垂拱天下治春秋紀日月大  
易垂彖繫嬴氏屨休息動以衡石計斯翁變古文程  
邈分篆隸自此更滋蔓日以趨簡易馳驅千百年漫  
有紙筆費誰能罷煩文盡掃著天外此書雖見存或  
以少為貴持此槁木枝我亦無甚愧

次韻荅曹州同官兼簡范寥信中

好詩有味終難捨俗事無功莫羨渠渠破曆屢翻深甕  
酒短檠時檢舊憲書何年雞黍先投社是處田園可  
結廬更請二公搜好句一身苛瘡要爬梳

龔彥承覲軒

愛山不能歸常恐山怪責終歲在行役感動頭已白  
高秋強僮僕路過龔掾宅蒙君開南軒除我眼界窄  
白波逸青嶂彷彿見顏色江上飛來峰卻立對君側  
蕭蕭蒲葦叢不受塵土隔知君有奇趣笑我常偏仄  
人生無窮已得一乃願百床頭貯美酒窓下著好客  
請公但默然歲晚當有獲

畫馬圖

平沙遠草春未生萬馬夜起爭悲鳴秋雲欲墜一作  
都護壘急雪暗下屯田營胡人却走畏深入漢家飛

將已雲集此時一馬直一作費萬錢隴右河湟更供給  
邊塵淨盡今百年萬馬潦倒西風前天生駿骨倒艱  
阻是處雕鞍蒙受憐君家九幅開新帳歛見騾褭華  
堂上長鞭不用羈絡遠霧縠雲羅倚惆悵高旌孀  
霜露微首肯得雨連山肥同時戰士今不歸曹霸弟

六子  
行注

市春風猶駐驛南樓妻孥轉覺為身累歲月終難望  
汝田萬里長江一尊酒故人何處倚扁舟

將赴海陵出京沿汴覓舟候送客不至遂行  
子行殊未來我馬已再秣略投故人飯苦厭從者賒  
長河見舟楫尚恐塵事奪風翻蟬急噪雨漱岸欲耽  
南山已在眼想望淮水潤別離古所重况在交友末  
翩然欲行際所寄一短褐路長書來稀何以慰飢渴

京師新鄭與諸晁兄弟往還前後數詩

夜語不嫌久凜然天欲秋客燈吹屢滅細雨落還休  
未許金張並虛為鄠杜遊江湖少寐夢知為故人留  
我髮日已短公愁安得長墻根春薺老瓶水腊梅香

將已雲集此時一馬直一作費萬錢隴右河湟更供給  
邊塵淨盡今百年萬馬潦倒西風前天生駿骨倒艱  
阻是處雕鞍蒙受憐君家九幅開新帳歛見驂褭華  
堂上長鞭不用羈絡遠霧縠雲羅倚惆悵高旌媚  
霜露微首藉得雨連山肥同時戰士今不歸曹霸弟  
子能神奇毫端妙處君得之駑駘往來空爾為

堤上

落花吹盡不堪憂只見河堤水漫流晚日強穿城北  
市春風猶駐驛南樓妻孥轉覺為身累歲月終難望  
汝苗萬里長江一尊酒故人何處倚扁舟

將赴海陵出京沿汴覓舟候送客不至遂行  
子行殊未來我馬已再秣略投故人飯苦厭從者賒  
長河見舟楫尚恐塵事奪風翻蟬急噪雨漱岸欲耽  
南山已在眼想望淮水濶別離古所重况在交友末  
翩然欲行際所寄一短褐路長書來稀何以慰飢渴

京師新鄭與諸晁兄弟往還前後數詩

夜語不嫌久凜然天欲秋客燈吹屢滅細雨落還休  
未許金張並虛為鄆杜遊江湖少跡夢知為故人留  
我髮日已短公愁安得長墻根春薺老瓶水腊梅香



侍立無天女相隨有漫郎平生湖海興今夜宿連牀  
髮短各已白眼昏誰復明殘春斷花柳晚日閉柴荆  
潦倒書常廢驅馳夢或驚尚於團聚樂雖老未忘情  
令弟寤顏蠟書生老仲舒相招得共處何往更安居  
歲月塵埃外桑麻雨露餘送行無別物圯上一編書  
苦語相留極虛床會宿頻山東吟出相海內不無人  
婦女能尊客兒童不最貧長途有知遇今日倍情親  
本中將為海陵之行念當復與子之作別意  
殊憤：偶得兩詩上呈并告送與壯輿叔用  
也

斯人如玉雪可愛不可忘助以濯滄海亦復閱餘光  
今茲因塵土更伴衆翼翔時來喚我語共此一榻涼  
春秋有體制子蓋能文章要當纂微言不以近故妨  
粲然東園花不登葵藿場

老僕倦日長羸馬困道遠東行數日間尚欲一再款  
我能喻子意子亦識我願追懷十年遊僅得一笑莞  
時能煮湯餅更復下茗盃晁郎本京邑劉子蓋楚產  
江山兩秀異與子日在眼南風動歸興感慨毛髮短  
相尋倘有口歲月亦未晚

鴈

鴈從何方來云自燕趙北今當何所往暖日近腸谷  
寒雲墮江漢未見所棲宿朝憂稻粱少莫畏罟網逐  
惜哉還往頻愈覺歲月促悔不近藩籬隨群伴雞鶩  
羽翰何必好志願亦易足物生有高下終恐最摧伏  
公看滄海頭萬里飛鴻鵠

赴海陵行次寶應

一作過  
白田

半升濁酒試尊羹賤買魚蝦已最烹淺水依蒲有船  
過淡烟籠月更人行交遊潦倒腸先斷疾病侵陵涕  
自橫北望中原一一作幾千里故人誰復喚歸耕

海陵雜興八首

四海今誰託飄然未有歸先生作詩瘦稚子食言肥  
未忍螢枯死甘隨鷁退飛故人取堅坐不為賦無衣  
相見各已老壯懷如昔然蛟龍夜改穴風雨暗移船  
把酒猶堪醉逢人嬾問禪還家有餘地留我買山錢  
諸老今無恙秋來數寄聲尚能無事飲猶勝不平鳴  
行李虛長鉄生涯共短檠江湖日在眼恐負白鷗盟  
荒城足風雨今日更新冬草木山嵐暗人家水影重  
漫看文字過時有簿書逢目極橫塘路西樓聞暮鐘  
曾子不復見斯人絕可憐夢回千嶂裡氣奪萬夫前  
異日文章社平生香火緣高樓更南望霜露一作路倚

江天時曾元似  
新物故

萬事不如意自然添白鬚極知少餘韻何敢最窮途  
王俗尊魚婢生涯欠木奴東行見李白誰為致區區  
空山鶴夜鳴海風令人驚對月且愁思看書終眼明  
斗酒不為薄客帆那計程猶憐它夜雨曾作打窓聲  
輕帆載曉月和夢到一作別揚州木落山光寺江橫北  
固樓漫拋三徑隱處有十年遊尚勝劉師命才因越  
女留

往來送迎城南道中二絕

破裘重補却勝寒暗減頭圍覺帽寬數頃桑麻逸城

路每隨妓更去迎官

海氣如煙跨市樓北風連夜舞一作雨梧楸平生事業

難牽強坐守寒燈聽聒囚

家叔舍弟與黎介然會于符離因用兩絕奉

寄

漫約同歸久未償只今留滯各宅鄉奉風有信勤歸  
鴈夜雨何時復對床

老覺為官百不冝故人雖在鬢如絲遙知再踏回遊

地更想汪饒曳杖時余昔與介然德桑  
信民同寓符離

病中夜聞雪作時堯明有廣陵之行未歸思

為數語奉寄久之未就它日堯明歸携詩相  
過飄然有馭風凌雲之氣因以前詩答之

公方它山行我此一室病擁爐聽夜雪若與風勢競  
蕭條中疑休狼籍久未定平明望屋瓦入我眼界靜  
所恨子猷遠無復肯乘興想當巖壑間玉立與輝映  
時來有傑句遂入風雅正寒威固深避草木自溫清  
公家鶴鬢翁韻與羲皇並流風及遠孫筆力如此勁  
彫績或過眼惟我乃弗稱新春上河堤梅柳當歷聘  
過從不厭數荒疇取微徑

次韻堯明貢院詩

忍窮不能歸強飯亦良計東風頻報春草木可次第

厭為龍頭縮寧作龜尾曳從來翰墨場一作文即作

乃有聞見滯譬如已耕一作耨田更欲深種藝或蒙鹵

莽報未肯一作恐即弃置不聞太倉粟亦肯一作校毫髮

細王卿固倦遊穢濁有一作乃蟬蛻一作聲名動時人流一作

我寔託末契泥塗倒屣齒塵埃澆一作滿衣袂要為無

用一作乃作不事一作下馬重一作尋舊戰場午日在庭一作

砌向來槁木枝忽有紅綠綴來非偶然往去一作有

無所詣聚蚊著甌中得忽一作聽此鶴唳窻前一作有

餘馥勝韻入松桂扁舟下淮南閭里思少憇孰觀昔

所歷請与居士戲江湖要全歸不假木蘭柁一作万戲滄浪要全歸更整它日柁

海陵夜作

夜長夜長天復霜海陵城中今夜長夜長夜長冬向

晚一作天寒堦無人看月滿一作海陵城中今夜短路長一作遙

家遠來信稀水關山深歸夢短一作堂上書生頭已

白朔方健兒十年客想渠當此夜長時撫劍雖長酒

杯窄明妃愛惜漢宮衣烏孫公主終不歸戚姬去視

鴻鵠舉更為君王作楚舞當此夜誰送迎此月還一作

亦如今夜明夜長夜短公莫厭寒即重裘熱須簞夜

長夜短公莫憂多憂多厭公白頭

東萊先生詩集卷八

東萊先生詩集卷第九

呂本中居仁

秋夜行

八月九月啼寒螿十月北風天  
雨霜客游無聊思故鄉書來不來空  
斷腸鴻飛何為滿夕陽舉頭攬取明月  
光置我堂上方天牀蒲酌玉杯碧淋浪  
喚取姮娥來共嘗人間歡樂壽命長不  
須辛苦老柱傍

臘梅

學得漢宮粧偷傳半額黃不將供俗鼻  
愈更覺清香

牧牛兒

牧牛兒放牛莫放澗水西澗水流急牛  
苦飢放牛只

放青草畔牛卧得草兒亦嬾兒嬾隨牛莫著鞭幾年  
力作無荒田雨調風順租稅了兒但放牛相對眠

洞庭

嘗聞洞庭湖秋至清皎潔徃來八百里長風駕明月  
中有仙人居容顏若冰雪我願從之游問渠傳寶訣  
脫冠養霞佩長與塵世別

細雨

細雨不成雪北風來解紛冥：小江樹漠：暮空雲  
誰惜江東弟今脩地下文西齊千萬里遺恨不堪聞

王陽

王陽作黃金才了車馬費苦身邀聲名未免遺俗累  
何如陶淵明蕭散塵世外公田二頃餘覓酒償一醉  
高風久寂莫斯文若疣贅白眼看世人此意渠不會

題趙丞瑞薏苡圖

甘泉殿中芝九莖不与百草同條生當時祥瑞已稠  
疊薏苡亦未來爭衡漢星不容矍鑠翁此物不与明  
珠同尔來万物更变化薏苡寧甘死荒野放遣根苗  
霜雪白烟若微月來清夜趙郎好事古亦無俯拾旁  
觀盡圖畫：師不辭粉繪費遇時亦得千金價君不  
見古來異瑞与奇祥何曾不致南宮下

即事

清陰庭中槐綠潤牆外草職事苦見妨令人惡懷抱  
朋從多飄後今我獨枯槁高牀書數帙時節豈不好  
不能逐爾云但覺歸思浩人情便久習世態嫌衰老  
閉門了殘詩昔者跡已掃何時北窓風清尊為君倒

寄晁以道

朝辭陘山清莫宿賴水綠徃來百里間得此意已足  
吾人少如願夫子更絕俗閉門觀易象未用傷局促  
使我三日留共此一室獨皎如嶺頭月凜若霜後竹  
欲為斯文壽以作學者福洛陽佳少年撫事多慟哭

此其於聖學何異狗尾續寧知草玄翁万事不掛目  
深湛而雅澹亦不在反覆吾祖早聞道晚與夫子熟  
相期千載外未得一世伏深山竄鼯馳晚日度鴻鶴  
誰能從公遊歲月如轉燭

轎上口占二首

城北城南柳絮飛街東街西鷓鴣啼海陵三月與春  
別一夜雨成三尺泥

風雨屬連春事休 日九日 城頭雖無俗物敗人  
意可使澄江消客愁

次韻遜叔直門見寄兼請堯明仝和



紛：塵土計秋豪忽送長江八月濤陶令且為州祭  
酒鄧公才可掾功曹但看秋到猶締綰即是花時合  
緼袍待得公歸吾已老滿田菘蓼與誰媾蒿字全豪  
字韻收  
再和蕪寄奉符大有叔

血氣侵凌不復豪往來敬倒似乘濤寧知嬾過嵇中  
散亦有詩如謝法曹舊藁只攝供醬瓿故人相贈有  
綈袍兗州賓主同風味惡句煩公更一媾

雨後至城外

日：思歸未就歸只今行露已沾衣江村遇雨蓬麻  
亂野水連天鶴鶴飛塵務却嫌經意少故人新更得

書稀鹿門縱隱猶多事苦向人前早是非

龐公

卧龍雛鳳不曾閑舉世皆危子獨安應念橋公無特  
操晚將情話向曹瞞

衛青

將軍相繼出天山漢主吞胡意未闌本自無心接賓  
客故人猶有一任安

雜詩三首

烹葵去王畿剝棗在海角歲序忽已周月亦頻告朔  
向來手中扇今此已倦捉尚嫌簿領繁不厭朋友數

塵埃向奔走文字費彫琢途人有前知子乃獨未覺  
出門見大路夫子焉不學

結髮在簡編俗事方刺促往來三十年未見可棲宿  
微官不能去尚恐遭逼逐歸棲則在念所望一枝足  
頻蒙故人悞豈有鄰可 出門雖無車徑自騎黃鵠  
重尋置錐地青燈一盂粥

飢蚊青而花怒目虬兩鬚黃昏與我遇且復少踟躕  
肌膚恣啖齧熟視不可毆中宵盛徒黨意氣若有餘  
傷哉陷穿虎有時被囚拘求食至搖尾曾此蚊不知  
雲龍困蝼蟻此語不可誣

秋日三首

諸卿談笑賞先登我欲從之病不能門閉日長公事  
少祇一作却疑身是住庵僧

塵滿文書燈暗檠荒城相望 殘更莫言愁罷無佳  
處睡正熟時聞雨聲

往來奔走一作馳騁看渠忙疾病低回却未妨喚客不須  
嫌酒惡隔牆時喜送橙香

橙二首

西風吹鴈欲斜行小檻寒花却未香將謂諸公頻載  
酒枉留橙菊十分黃

不辭玉露著新行漫作人間徹骨香知道輸棊償舊約故畝殘菊一時黃

寄京師親舊

屋頭橙實如李梅庭下葵花深覆盃豆田失雨不稱意野菊出苗虛見猜故人相望一尊酒問我此往何時回江山空自污敲扑筆硯洗復生塵埃交情自惜少同調人事只今多好乖欲隨明月覓公處限以白浪搖長淮舟楫誤逢蛟鱷橫歲月苦遭霜露催側身西望莫回首堂上書生心已灰

和成士毅鹿女泉詩

成子東游十日程駝裘顛倒帽歌傾新詩頓數神仙事病耳忽聞京洛聲去住閑一作經幾塵刹往來一作還相望一牛鳴再尋六月山前路分我寒泉數勺清

春申君

少年談笑解秦兵便欲連從却未成莫謂江東可保長暮年無意引朱英

秋日三首

罷馬厭鞭策征一作飢鴻思稻梁終年在泥土永路困風霜慎勿鞍韉愛直須增繳防吾良亦一作側已甚念爾不能忘

交游大半死吾亦老相侵古木十圍大寒泉百尺深  
恨猶能切骨愁或至傷心寄語南飛鴈君無笑苦吟  
獄掾酸寒極官曹冗長催真同鶴久住不學雁輕回  
婦女能相笑兒童忍見猜猶憐舊耆老時有一書來  
和成士毅海安道中見寄

成侯老更嬾處世一虛舟暫脫塵埃夢還尋江海秋  
從來仙聖宅不數鳳麟洲有意相隨否因公更一游

送虞澹季然之官京師

車如雞栖馬如狗勸君莫笑循墻走車如流水馬如  
龍不如還家行御風以尻為輪神為馬世人計出車

馬下出門險阻道里遠只今誰是能行者海陵事劇  
俸則薄得公相從亦不惡小吏相欺官長怒我自作  
煩公笑樂度公故是豐年玉道兒更自見不足斷崖  
獨立老松柏青天何處飛鴻鵠汴堤六月塵自障請  
公登高更南望馬煩車急早歸來且從夫子濠梁上  
獨立一作百丈  
何處一作万里

海陵病中一作寄劉器  
之文五首

病知前路資糧少老覺平生事業非無數青山隔滄

海一作江海與誰同往却同歸

先生高卧了殘冬我亦年來不諱窮夜半打窻人不

會滿天風雨角聲中

客游歷：都如夢身事悠：略似僧只麼隨緣作官  
不知從古更誰曾

往來車馬鬧泥途一室蕭然百事無語默二途俱不

涉一作本自無不勞辛苦對文殊

久一作飽語罷臥嬾呼醫刺讀文書不療飢數有故人

來問疾更煩耆舊與傳詩

次韻李叔友賀堯明登第叔友丹陽人也未  
中得其人之詳於王堯明恨未之識也堯明  
擢第叔友作詩賀之堯明令繼作既喜叔友

能不妄許可又嘉堯明進退取捨皆中乎道

也三首

柴桑無復陶元亮谷口虛傳鄭子真二子風流知有  
在且留餘味及吾人

澄江雖近不容親亦是人間可喜人枯木巖前有岐  
路一杯濁酒自成春

二子深居筆吐虹從來氣節萬夫雄欲知聖主求賢  
意不為相如詞賦工

次韻堯明見和因及李蕭遠五詩

小閣才堪置一牀病軀雖在鬢蒼浪隨身行李無長

劍猶勝堆錢與窟郎

交游潦倒漫虛名，悞結它生文字盟。  
踏盡塵埃公莫厭，不應因酒愛江清。

文人飄散各窮途，諸老交情却未踈。  
賴有清詩在書案，時時翻讀伴更初。

萬里星河指顧間，此中何自著江山。  
精金百鍊終無用，才與佳人照一作照指環。

阮公遊宦喜東平，賀監從來憶四明。  
但得從容飽麤糲，不須辛苦辨香鯖。

西歸舟中懷通泰諸君

一雙一隻路旁埃，乍有乍無天際星。  
亂葉入船侵破衲，疾風吹水擁枯萍。  
山林何謝難方駕，詩語曹劉可乞靈。  
酒盃茶甌俱不厭，為公醉倒為公醒。

寄馬巨濟察院時監泰州酒得宮祠歸南京  
新春款南園積雨寒，不歇起望海陵城。  
幸未還往缺聞公得安，還未放車軌折毫端。  
倒江海胃次湛明月，東風片帆來乃復。  
為此別田園到荒蕪，歲事有曲折不見南山松。  
高卧擁霜雪，鬢鬢凜可畏。此豈念容悅，願公考其然。  
一向鼻頭說。

寄趙十弟

十年流落各西東  
再見初非舊阿蒙  
晉邑自思樂孺  
子魯儒空望叔  
孫通官情潦倒  
三荒徑世味衰  
顏一  
禿翁石室度籌  
吾豈敢且看鮮  
健勝龐公

叔度李明學問甚勤而求於余甚重其將有所成也因作兩詩寄之

兩章後來秀頭角  
固蘄然但語強弩  
末不爭駑馬先  
寓言有十九曲禮  
至三千所要在守  
節未言能与權  
世文雖始就學則先趨遠忽近而必不信行必不果達節  
適實雖始就學則先趨遠忽近而必不信行必不果達節  
行義之為先務也故脩其身荒唐繆悠之說施之于  
仁義之為先務也故脩其身荒唐繆悠之說施之于  
事則顛倒博亂而卒無所正也

念我少年日  
結交皆老蒼  
曹南見顏石  
角上拜饒汪  
顏平仲石子直  
汪信民饒德操  
敢幸江海浸  
得霑藜藿腸  
諸郎但勉  
力餘事及文章

与季宏子植同過信中飲薜荔亭下夜分乃散別後奉懷遂成長韻

殘花無言卧風雨  
小亭寂莫延初暑  
范侯置酒呼我  
來共坐堦前洗塵土  
坐間問有李与韓  
文字崢嶸各  
竒古起卧逡巡失  
桮杓笑語瀾翻雜  
歌舞滿城車馬  
關侵滌誰解墻陰  
着樽俎薜荔扶踈  
出枝葉老氣橫  
空君一吐人生此  
會不可常昔者各  
在天一方簿書

相急如探湯好風吹我來君旁鶯啼燕乳各自忙  
日酒醴空斷腸

秋日呈顏夷仲

老去身已衰事過意愈懶斯人未寂寞吾此歸亦晚  
踈籬帶落葉秋色忽已滿西窓可炙背喚婦同茗盃  
舊讀無新功亦復費編纂凝塵亂朱墨妙句折編簡  
往者荷蓀翁寔具世外眼不能與之游只有興盡返  
曹南二三老夙昔荷推挽平生萬卷書未盡一日款  
微詞絕端兆自怪識者罕願聞片言佳庶用收褊短  
謝任伯夫人挽詩

幽蘭在深山無人終自芳豈伊桃李顏取媚少年場  
高氏有潛德奕世被輝光自其父祖來低首不肯昂  
夫人生既賢豈止閨秀房出身事夫子和鳴更鏘  
笙鏞列兩序圭幣羅中堂去何去日遠遂棄陵風翔  
伋也奉慈訓將見父必昌瞻彼汝南路松柏泣新霜  
淒然馬鬣封千歲終不亡

贈筆工安伋

昔人三年學屠龍技成不試身已窮安生不願併澣  
封嗜好乃與屠龍同使世淬礪磨具鋒側出逆曳求  
新功伋也中立無適從隨所欲用吾能供歛溪孕石



南山松四方万里時一逢病夫乍閑百念空敗毫破  
管塵埃蒙明窓淨几聊從容恨無列宿羅心胃使汝  
得見文章公展卷略書吾已慵

寄共城賈秀才

萬里歸來四壁空舊游渾在默然中明年我欲江南  
去何處留詩可寄公

題大名官舍

宿昔尚殘暑晚風吹欲無不知留此住更白幾莖鬚

東萊先生詩集卷第九

東萊先生詩集卷第十

呂本中居仁

離行在即事三首

昏且黃：裏經營：榻清看人長塵尾讓我短燈檠  
舊友分窮達斯文鼎重輕邊聲授明主禮樂謝諸生  
漂泊留旁郡煩人久厚顏強求微祿去未得故鄉還  
驛騎隨朝發舟師語夜聞到家傳一夢歸  
客况多堪笑歸舟靜擁衾轉喉常觸諱對面即論心  
外物家無有園居念本深妻

廬陵相遇同 金液

掃地樗 陰

金馬 一朝陽

禿翁未着

四海老子隨可惜

相勉各衰年省事

固根本遇可

元氣日憊虧

次韻

詩

舊傳柳實來瓊州

楚萍出中流

護

送海若亦恐

神羞當時荔子寵妃子一日紅塵歸

帝里弃指碩果人不食正音鑿鏘不入耳勿唾硯礪

老斲壺中含瓊鼎碧琳腴聖門貌取夫子羽底事端

可銘璠璣新詩應欲泄感意更復誇談作真賜閱人

如此慎勿欺我與君請世事

閑居

風土僇人住依棲縣令尊摘山春晚苦汲澗雨餘渾  
白日供高枕生涯付小園時來携白鑿種藥兩三根

冬日雜詩

白日供多病青山且舊居柴門臨水靜風葉舞霜餘  
老練時情熱貧家計踈墻東端可望炙背飽翻書

春景晴乃暎寒江曉不波雲山明客眼風露淨林柯  
紫塞傳烽急黃池帶劍蒼生好蘇息天意定如何

苦雨

東萊先生詩集  
雨添東澗連西澗雲斷前山起後山野水到門人去  
盡昏煙迷樹鳥飛還江天日月渾無色客路風埃只  
強顏舞石至今隨燕乳裁詩不復哭龍墜

題宮使趙樞密獨往亭

謝公為時出四海正仰渠雅志在東山本末固不渝  
符堅百万師一掃談笑餘今公抱長策豈止安石徒  
平生獨往願結亭山一隅躋板上脩竹已自勝巾車  
舉手謝世人不與汝同途出佐明天子意欲無強胡  
行當復中原即日還舊都豈容思昔隱更作深山居  
小人病無能悞入承明廬朝夕投効歸為公先掃除

申端應詩

避亂久去國遠游將抱孫氛埃到湖嶠愁嘆滿乾坤  
病万里携尊囊居  
病万里携尊囊居  
病万里携尊囊居

未可引下秋下

時功宣王自是中興主會見鑾輿返故宮

高安道中有懷李彤

寒起溪邊蘆荻風霜林病葉未全紅鴈隨雲落斜陽  
外舟傍山行晚照中極目閑愁二欲絕滿川離恨二

東萊先生詩集  
雨添東澗連西澗雲斷前山起後山野水到門人去  
盡昏煙迷樹鳥飛還江天日月渾無色客路風埃只  
強顏舞石至今隨燕乳裁詩不復哭龍擘

題宮使趙樞密獨往亭

謝公為時出四海正仰渠雅志在東山本末固不渝  
符堅百万師一掃談笑餘今公抱長策豈止安石徒  
平生獨往願結亭山一隅躋板上脩竹已自勝巾車  
舉手謝世人不與汝同途出佐明天子意欲無強胡  
行當復中原即日還舊都豈容思昔隱更作深山居  
小人病無能悞入承明廬朝夕投効歸為公先掃除

申端應詩

避亂久去國遠游將抱孫氛埃到湖嶠愁嘆滿乾坤  
氣力吾先風風流子獨存相逢能少駐重為倒餘尊

丁酉冬江上驚報

京路蕭條信不通胡塵尚欲競南風三年避地身多  
病万里携孥囊屢空天際每垂憂國淚日邊誰了濟  
時功宣王自是中興主會見鑾輿返故宮

高安道中有懷李彤

寒起溪邊蘆荻風霜林病葉未全紅鴈隨雲落斜陽  
外舟傍山行晚照中極目閑愁二欲絕滿川離恨二

無窮天涯更送親朋去尊酒何時得再全

游陽山廣陵寺

斥瓦窠窠到陽山寺在雲山縹緲間雨洗竹萌穿野

山色與客心今不對

雨後輕裘寒尚侵杖藜終日共登臨水聲不似風聲  
急山色何如草色深万疊殘雲渡晚照千章古木發  
新陰飄零未忍踈杯酌欲醉醜嫌酒滿斟

柳州開元寺夏雨

風雨脩：似晚秋鴉歸門掩伴僧幽雲深不見千巖  
秀水漲初聞万壑流鍾喚夢回空悵望人傳書到竟  
沉浮面如田字非吾相莫羨班超封列侯

寄雲門山僧宗杲

隨堤河畔別支公目斷霜天數鴻去歲月崢嶸如許  
久江湖漂泊略相同無窮烟草夕陽外不盡雲山秋  
色中寄語只今能見憶書來莫遣太匆匆

懷從弟

折柳長亭今幾年一行作吏楚江邊音書頻逐歸鴻  
斷消息時因過客傳五嶺風温吹瘴雨九疑雲濕卷

無窮天涯更送親朋去尊酒何時得再全

游陽山廣陵寺

沂流蕩槩到陽山寺在雲山縹緲間雨洗竹萌穿野  
岸風吹榕葉落荒灣僧眠白日鍾聲靜花送青春鳥  
語閑留醉嶺南無所恨不妨蠟屐恣躋攀

自陽山還連州

雨後輕裘寒尚侵杖藜終日共登臨水聲不似風聲  
急山色何如草色深万疊殘雲渡晚照千章古木發  
新陰飄零未忍踈杯酌欲醉醜嫌酒滿斟

柳州開元寺夏雨

風雨脩：似晚秋鴉歸門掩伴僧幽雲深不見千巖  
秀水漲初聞万壑流鍾喚夢回空悵望人傳書到竟  
沉浮面如田字非吾相莫羨班超封列侯

寄雲門山僧宗杲

隨堤河畔別支公目斷霜天數鴻去歲月崢嶸如許  
久江湖漂泊略相同無窮烟草夕陽外不尽雲山秋  
色中寄語只今能見憶書來莫遣太匆匆

懷從弟

折柳長亭今幾年一行作吏楚江邊音書頓逐歸鴻  
斷消息時因過客傳五嶺風温吹瘴雨九疑雲濕卷

愁烟每吟春草池塘句尚想詩成夢惠連

柳州謁義帝陵廟

浙：寒聲未落霜滿庭殘葉不勝黃  
墻頭雨帶煙悲冢爐冷風飄  
香脩墓尚應懷楚德入閨猶恐快  
秦王追思往事空垂淚無限傷心對夕陽

桂陽鹿頭山寺次壁間韻

霜過雨不勝寒木落重：見遠山風捲沈浮橫浦  
外鳥飛明滅夕陽間頽肩道永方南去斯足何時得  
北還杖屨登臨共回首自憐五澤入荒蠻

同諸人再登鹿頭山再次前韻

梅梢風動勒花寒淡：烟橫天際山顧我未能超物  
外因君聊尔出雲間水聲不逐鐘聲散林影常隨塔  
影還異日同歸嵩少路即將詩卷話南蠻

聞岳侯破賀州賊次韓端卿韻

旌旗摩日甲生光俘馘黃巾第幾滅賊未占闢  
蟻破胡行且見神狼燕然刻石功昭漢太華題詩事  
後唐從此兒童傳姓字風流何止繼韓康

送王循友任柳州

苦雨淒風未肯晴行李南征煙牽離  
恨雲晴亂山迷對

長檠它年雁蕩天台路  
万里君還尋舊盟

廬陵舟行

雨過歸雲山更昏  
時聞鷄犬鬧江村  
風歛船側收帆幅  
浪拍堤平沒石痕  
憂患積年身益勸  
功名他日志空存  
又看秋色飛紅葉  
故國歸期未可論

永州法華寺西亭

西亭清淨冠南州  
蠟屐聊為半日留  
蒼莽輕麓連卷雌  
霓落城頭禽声高  
下雲間木帆影參差  
天際舟欲去凭欄  
一回首晚風吹角不勝愁

春晚

柳暗鶯啼春正妍  
新塍分水灌平田  
花開花落幾番雨  
山淡山明一抹煙  
突兀初晴雲外寺  
橫斜欲晚渡頭船  
天涯因悵滄洲具  
何用區區苦自怜

宜章元日

東風初解凍桃李  
已經春避地逢雞日  
傷時感鴈臣湖南  
馳賊騎江外踐胡塵  
憔悴成無用虛煩  
泪濕巾

久雨

宿雨何曾歇濃雲未放晴  
莓苔侵戶長蛙蚓入窓行  
鐘送遠山響燈桃殘夜明  
芭蕉添客恨只伴簷聲

界步河亭



窮山擁翠染人愁  
亭下寒溪東北流  
寄語扁舟：上  
客為傳消息到筠州

涂中久雨乍晴

匝地濃雲散  
晚風輕霜挾冷下  
長空攢峯疊嶂來  
無盡疑是舟行圖畫中

連州

再到連州却是家  
逢人不復嘆生涯  
尊前欲洒思鄉  
泪羞見枝頭含笑花

寧遠道中

路轉寒松日欲斜  
野梅初吐兩三花  
溪流映石風吹

碧時有鱗：雨後砂

春晚

宴坐脩然萬慮忘  
從他風雨送春忙  
佛燈初上黃昏  
後時炷柳州名乳香

湘江斑竹

湘江江上數重山  
：遠雲深縹緲間  
帝子不歸腸欲  
斷竹梢空染淚痕斑

興安靈渠

淡日輕風細雨餘  
陰：溪柳映溪蒲  
清流平岸舟行  
疾野鳥時聞聲自呼

野岸

淡日輕烟村徑斜長風卷浪欲浮花  
夜深隔岸漁舟過螢火驚飛亂點沙

春晚即事

淡：陰雲晝掩門隔溪楊柳暗江村落  
花狼籍飛紅雨又是潺湲過一春

香山觀壁間詩因次其韻

抗志欲學仙自恨無仙骨去國將六年  
避地欠三窟禪房翳翠陰竹本可製笏  
誰持火君前指顧收回鶻懷古

買臣負薪行且歌其妻羞縮悲蹉跎  
季子歸佩六相印骨肉歆羨緣金多人  
生窮達等幻滅貧賤何憂貴何悅爭如  
飢采首陽薇不慕臯夔希稷契貪功徇  
名世莫嗤拖金曳紫同兒嬉一朝禍至  
幾發冢却思衣布丹徒時丹徒風月依  
然好尔自升沉委荒草：長木拱荒煙  
寒此恨年：向誰道

近體詩二十韻寄秉之

憶昔春將莫分携桂領遶落花依斷隴  
飛絮滿長川風急吹殘雨雲開放曉天  
山光如欲動草木不勝妍沽酒村市停  
驂近郭田臨行思款曲已別更流連

治邑煩游刃編氓荷息肩高才久藏巧篤行衆推賢  
屢辱銀鈎况頻更玉律遷故鄉迷藪澤回夢眇雲烟  
漂泊遙相望窮愁祇自憐愛閑身益懶多病氣仍孱  
故國因人間新年底事傳止應升斗戀聊結簿書緣  
諸老方推轂乘時好着鞭提撕起憔悴騰踏動蜿蜒  
袖有平戎策囊無封禪篇功名期万里富貴屬丁年  
范蠡中興越田單卒破燕異時歸相載乞我買隣錢

東萊先生詩集卷第十

